

AIZKORRI-ARATZ PARKE NATURALAREN INGURUKO EH BILDU ETA EAJK AURKEZTUTAKO MOZIOA

OÑATIKO UDALA	
Erregistro Data	
2015 IRA 22	
SARRERA	IRTEERA
1980	

Eusko Jaurlaritzak 2013. urtean KBE EREMUAK IZANEDATZEKO ETA HELBURUAK ETA KONTSERBAZIO NEURRIAK EZARTZEKO PROZESUA aurkeztu zuenetik, INTERESATUEK ez dute inondik inora benetako parte hartze eragingarririk izan Aizkorri-Aratz Kontserbazio Bereziko Emuaren aipatu kudeaketa plana egiterakoan eta INTERESATUEK ez daude batere gustura hori guztia egiteko aplikatu den prozedurarekin.

Bakar-bakarrik Lurralde Historiko mailako eta bi orduko iraupena izan zuen bilera informatibo bat egin zen KBEren kudeaketa planaren gainean, 2014ko abenduaren 4an, Oñatin. Ekitaldiak zabalkunde eskasa izan zuen, eta 60 pertsona inguru bertaratu ziren. Bi astebeteko epea ireki zen INTERESATU gehienentzat "ulergaitza" zen dokumentu baten gainean alegazioak aurkeztu ahal izateko.

2015eko urtarrilean beste bilera bat izan zen, Seguran, jasotako alegazioen gainean berba egiteko, eta oraindik EZ dira jaso, idatziz, aurkeztu ziren alegazioen ebazpenak.

Azkenik 2015eko ekainaren 12ko EHAAn KBEren kudeaketaren azken dokumentua argitaratu zen: AIZKORRI-ARATZ BATASUNAREN INTERESEKO LEKUKO KONTSERBAZIO BEREZIKO EREMU IZENDATZEA, ES2120002 erreferentziaduna, aurrerantzean KBEren kudeaketa plana, eta alegazioak aurkezteko epea ireki zen, azken eguna abuztuaren 13a izanik.

Erabateko ezjakintasun egoera horretan, INTERESATU batzuek eskualde mailako bilera baterako deialdia egin zuten, Apotzagan, uztailaren 16an, non bertaratutako asko harrituta geratu ziren KBErako proposatzen den kudeaketa araudiaren aurrean, "inor" ez baitzen kontsultatua izan ordura arte, eta gehienek orduan izan zuten lehen aldiz horren berri.

Bileran Eusko Jaurlaritzari alegazioak aurkezteko epea atzeratzeko eskaera egitea adostu zen, eta horrela denbora gehiago izatea dokumentua aztertzeke eta alegazio formalak aurkezteke.

Debagoienako INTERESATUEN aldetik 800 alegazio inguru entregatu zitzaion Eusko Jaurlaritzari, eta aipatu onartze data irailaren 30era arte luzatzea lortu ondoren (luzapen hori ezin dugu egiaztatu, Eusko Jaurlaritzak zuzenean ez digu jakinarazi eta), KBEren INTERESATU mailako lanketari ekin zaio KBEko Gipuzkoako herri guztietako INTERESATUEN alegazio bakar bat aurkezteko.

INTERESATUOK gara interes handiena dutenak egun KBEko mugaketetan dagoen ingurumen dibertsitatea zaintzeko; mendeak daramatzagu kudeatzen, gurasoek seme-alabei transmititzen, eta hor da egun ikusgarria den emaitza. Kudeaketa eta zainketa horiek izan dira lortu dutenak Batasunaren Intereseke Leku eta Kontserbazio Bereziko Eremu izatea.

Horregatik guztiagatik honako mozio hau aurkezten dizuegu, erabakia hartzeko azter dezazuen:

1. Oñatiko Udalak Eusko Jaurlaritzari eskatuko dio:

- ✓ - Baztertu dezala egungo Kudeaketa Plana, Aizkorri-Aratz Batasunaren Intereseko Lekuko (BIL) Kontserbazio Bereziko Eremu (KBE) izendatzea, Aizkorri-Aratz ES2120002 erreferentziaduna, eta guztiz birplanteatu, INTERESATUEK parte hartze aktiboa izanik idazketa berriaren abal gisa eta benetako kontsentsua lortzeko.
- ✓ - INTERESATUEN ordezkariak izan daitezela, udalerrri bakoitzetik, Babestutako Natur Gunearen eta Aizkorri-Aratz KBEren Gobernu Batzorde edo Organo Kudeatzailean, parke osoarekiko jabe pribatuei eragindako hektareen araberako proportziosko kopuruan.
- ✓ - KBE ezartzeak dakartzan eraginak eta balio-galerak baloratzeko, eta titularitate pribatua duten lursailen kasuen konpentsazioak kalkulatzeko moduak bermatuko dituen plan bat zehaztea, eta konpentsazio horiei erantzuteko behar beste partida ekonomiko bermatzea.

2. Gipuzkoako Foru Aldundiari eskatzea bere esku dauden bideak erabil ditzala Udal honi aurkeztutako proposamenak aurrera eramateko..

3. Erakunde publiko eta pribatuekin eginiko gestioen eta ondoriozko emaitzen berri eman diezazkigutela, eta ahalik eta azkarren.

4. Hartutako erabakia Eusko Jaurlaritzari eta Gipuzkoako Foru Aldundiari bidaltzea, eta ohiko komunikabideen bitartez kolektiboaren eskaeren eta mozio honen emaitzaren berri herritarrei ematea.

Oñati, 2015eko irailak 4

Kolektibo interesatuak

- a) Parkean zein bere periferian dauden lursailletako jabeak eta maizterrak.
- b) Azienda larria Babestutako Natur Gunean larratzen duten abeltzainak.
- c) BNG barruan larratzen duten artaldean artzainak.
- d) BNG barruan eta periferian kokatutako baso-sail eta ustiakuntzen jabeak.
- e) BNGn ohikoak diren ehiza larri eta xeheko ehiztariak.
- f) BNG barruko perretxiko biltzaileak.
- g) Eskalatzaileak,
- h) Espeleologoak.
- i) Etab.

